

DISSERTATIO MEDICA
INAUGURALIS
DE
TYMPANITIDE.
QUAM,

FAVENTE SUMMO NUMINE,
Ex Auctoritate Magnifici Rectoris,
GUILIELMI AB IRHOVEN,
A. L. M. S. S. Theol. & Phil. Doct. Illiusque Facult.
ut & Hist. Eccles. Prof. Ord.

NEC NON
Amplissimi SENATUS ACADEMICI Consensu, atque
Nobilissimæ FACULTATIS MEDICÆ Decreto;

PRO GRADU DOCTORATUS
Summisque in MEDICINA Honoribus &
Privilegiis rite ac legitime consequendis,
Eruditorum Examini submittit

ALDERT WALRAVEN,
SYLVA-DUCENSIS.

Ad diem 24. Martii H. L. 2. S.

TRAJECTI AD RHENUM
EX OFFICINA JOANNIS BROEDELET,
ACADEMIÆ TYPOGRAPHI. MDCCLX.

DISSEMINATION
OF THE

1871

...

...

...

...

...

...

...

...

...

...

...

VIRO PLURIMUM REVERENDO,

DOCTISSIMOQUE

D. GERARDO WALRAVEN,
ECCLESIAE, QUÆ IN PAGO ENGELLEN COL-
LIGITUR, PASTORI FIDELISSIMO, PATRUO
SUO PATRIS INSTAR IN PERPETUUM OB-
SERVANDO, COLENDO.

NEC NON

VIRIS CELEBERRIMIS, CLARISSIMIS

D. JOHANNI OOSTERDYK SCHACHT,
A. L. M. PHIL. ET MED. DOCTORI, MEDI-
CINÆ THEORETICÆ ET PRACTICÆ PRO-
FESSORI, PROMOTORI SUO OMNI STUDIO
ET HONORE PROSEQUENDO.

D. JACOBO GYSBERTO WOERTMAN,
MED. DOCTORI, NUPER ADMODUM ANAT.
ET CHIRURG. PROFESSORI, NUNC VECTI-
GALIUM, QUÆ SIGILLORUM NOMINE PEN-
DUNTUR, QUÆSTORI.

D.

D. JOANNI DAVIDI HAHN, A. L. M.
PHIL. ET MED. DOCTORI, EARUMQUE
SCIENTIARUM, NEC NON CHEMIÆ ET BO-
TANICES PROFESSORI.

PRÆCEPTORIBUS SUIS IN OMNEM
ÆTATEM COLENDISSIMIS

*Hoc laborum auspicio eorun-
dem peractorum specimen
grato animo consecrat.*

ALDERT WALRAVEN,

AUCTOR.



DISSERTATIO MEDICA
 INAUGURALIS
 DE
 TYMPANITIDE.

PROOEMIUM.

Res vulgo non naturales dictas ad Corporis humani sanitatem, imo ad ipsam vitam conservandam necessario requiri, quisque aliquantulum rei medicæ peritus mihi ultro concedet. E pathologicis etiam hoc compertum habemus; docet idem clare experientia.

Verum aliquod si modo vitium in iis obtinet, statim morbus nascitur, & plerique morbi ab eis generantur: primum inter eas locum meretur fluidum illud universale, quod plerumque aëris atmosphærici nomine provenit; hic enim adeo Corpori humano necessarius est, ut, eo deficiente, nullus mortalium unquam vivus subsistere posset: experimenta philosophica hoc clare ostendunt; nam animal sub antlia pneumatica positum, & aëre orbatum statim moritur; Idem ta-

A

men

men ille aër interdum ita perniciosus evadit, ut enormia mala producat: nonne morbi endemici & epidemici plerumque ab aëre originem ducunt? nonne colica? nonne flatus, & hinc oriunda mala? nonne alii plures certe dirī morbi ab aëre atmosphærico generantur? imprimis si cum aëre alimentis extricato commisceatur, & vitium quoddam in corpore accedat.

Inter hosce tamen merito primo numeratur tympanites, si attendamus ad atrocitatem hujus morbi, ad pessima symptomata, quibus interdum stipatur, & ad morbos, quos producere valet: ejus vero accurata cognitio diu tenebris obvoluta fuit: patet quidem ex *Hippocratis*, *Galenī*, *Aretæi*, *Celsi*, *Paracelsi*, *Helmontii*, *Riverii* scriptis, eos morbum cognovisse, verum omni etiam dubitatione caret, veram ejus naturam eos latuisse.

Præcedenti seculo *Thom. Willisius* primus eum accurate descripsit, & *Carol. de la Font. Proff. Avenôensis* non inelegantem de eo edidit dissertationem: hujus seculi anno 13 multa præclara Actis Parisinis de eo inseruit *Cl Littrius*: anno 1731. Edinburgi defendit dissertationem de tympania *Jacobus Dalrymple*; & sententias plurimorum examinat, suasque addidit observationes *Ant. de Haen* in opere non satis laudando *Rat. Med. part. 2.* & in multis Actis medicis, ut & apud plurimos recentiores practicos passim pulchra quidem, pauca tamen inveniuntur.

Omnibus vero palmam præripit *Paulus de Combalufier* in *Comment. suo de flatulentis Corporis humani adfectibus*, ubi omnes hypotheses proponit, & examinat, signa tradit & suam experimentis confirmat sententiam; Verum hi omnes præclari viri in determinanda causa & præscribenda curatione multum differunt, & pauca eorum dictis addenda videntur: Itaque hæc materies, *L. B.* præ aliis mihi placuit, de qua specimen, gradum doctoratus acquisiturus, more Académico conscriberem: nova tamen ne a me expecta; quippe qui praxin medicam nunquam exercui: omnia vero collegi ex scriptoribus & observationibus fide omnino dignis, & prout vires permiserunt ordine satis accurato disposui; cæte-

ceterum viris in arte præclaris aliquantulum placuisse mihi calcar erit & gloria.

§. I.

Ut itaque ordinem, quem plerique in conscribendo aliquo themate, præprimis practico observarunt, sequar, mihi incumbere videtur, ut incipiam a vocis origine, quæ multum facit ad meliorem morbi nostri cognitionem. Vocabulum tympanitis (græcis τυμπανιτης, τυμπανια, & τυμπανῶεις a τυμπανίζω i. e. fustibus cedo: belgis de *Trommel* of *windsugt*) componitur ex voce tympano significante instrumentum bellicum sonitum edens, & particula græca ιτις, quæ adfectum sive morbum indicat, a veteribus plurimum usitata in morbis præcipue inflammatoriis designandis, ut in vocibus *pleuritis*, *nephritis*, *hepatitis* &c.

Antiqui etiam Medici omnibus fere morbis nomina dedere a præcipuo symptomate in iis occurrente: ita febrem ardentem nominarunt *causum* a primario symptomate, nempe calore; hunc ergo morbum vocarunt tympanitidem a sono, quem venter percussus instar tympani edit, qui est quasi pathognomicum hujus morbi signum.

Huc usque fere ab omnibus medicis relatus fuit inter hydropis species: videte antiquos omnes, evolvite recentiorum plurimos, & invenietis fere semper tres hydropis species, *ascitem* nempe, hydropem *ana-sarca*, & *tympanitiâem*; ideo etiam multi ei adjungunt vocem hydropem, dicuntque hydropem tympanitidem, & idcirco parens medicinæ magnus *Hippocrates* ei nomen indidit ὑδρον & ξηρος i. e. *hydropis sicci*, cujus tamen veram significationem ex eo, ejusque interpretibus, imo ne ex ipso quidem *Galeno* habemus: videtur tamen nimis improprie ita appellari; nam nihil fere cum hydrope commune habet, quam extensionem ventris: ficcitas & hydrops contraria sunt; hydrops enim derivatur ab ὕδωρ i. e. *aqua*, cujus tamen nullum vestigium hoc in

morbo observatur, nisi quando ei ascites junctus sit. (1)

I I.

Jam à priscis temporibus hicce morbus medicis fuit cognitus, quarum tamen alii tantum nominetenus cum designarunt, alii vero ejus descriptionem dedere. Nonnulli prorsus aliam ingressi sunt viam hujus morbi existentiam negantes, inter quos excellunt Prosper Martianus (2) & Sharpus Chirurgus Anglus. (3) putantes omnem tympanitidem esse imaginariam, & per eum semper ascitem intelligi debere; verum hujus sententiæ contrarium obtinere, & revera dari hunc morbum, imo sæpissime adesse non solum probant tot tam recentium quam antiquorum auctorum testimonia, sed & quotidiana evincit experientia: nonne videmus sæpe mulieres ventres tumidos siccosque habere? nonne infantes sæpissime hydropicos judicatos ventre tumido mori, e quo, paracenthesi instituta, nil nisi aër exit? & quid aliud hoc indicat, quam tympanitidem: Hæc tamen clarius ex sequentibus patebunt, quando cum simul cum ejus possibilitate defendere conabor.

I I I.

(1) *Etmuller* Oper. tom. 2. pag. 692. putat per hydropem siccam non intelligi debere tympanitidem, sed ascitem particularem, si nempe omnia extabescunt, excepto abdomine, sed contrarium ex omnibus *Hippocratis* commentatoribus & ex aliis de hujus morbi medicina bene meritis luce meridiana clarius mihi patere videtur, multa enim proponit *Hippocrates*, quæ non de ascite, sed solummodo de tympanite vera sunt.

(2) Vide *Willis* pharm. rat. tom. 2. sect. 2. cap. 4.

(3) In tract. belg. Oordeelkundige Aanmerkingen over de Heelkunde, pag. 201.

I I I.

Ordinis ergo nunc transire deberem ad morbi definitionem, verum quia hic morbus, æque ut scorbutus, recte definiri nequit, ejus cognitio ex historia morbi, vel saltem ex ejus signis clarius patebit, in quibus enumerandis sequar ordinem præceptoris mei plurimum Venerandi *J. Oosterdyk* (4) & postea addam ea, quæ apud alios auctores recensita inveniuntur.

Cognoscitur itaque tympanites 1. ex solo ventris tumore, 2. ex nullis impressorum digitorum foveis 3. ex sonitu, quem percussus venter instar tympani edit 4. ex nulla humoris fluctuatione, moto corpore, deprehensa 5. ex pondere corporis non aucto ea proportionem, qua augetur tumor 6. tumore, æger si supine jacet, non ad latera cedente 7. ex dyspnœa quidem, sed non magna 8. nulla difficultate ex decubitu percepta 9. ex tumore uno momento magis quam altero elevato, licet nulla evacuatio sensibilis adfuerit: Multa quidem alia ab auctoribus recensentur, verum hæc quia præcipua sunt, plura non enumerabimus, & hisce facile morbus noster ab aliis imprimis hydrope ascite, cum quo plerumque confunditur (ut ex §. 2. patet) distingui potest; nam in ascite tumor quidem adest; sed prementis digiti foveæ semper remanent; sonitus, ventre percussio, quidem aliquis auditur, qui tamen multo est obtusior, quam in tympanitide; æger dyspnœa magna laborat, imprimis crescente morbo, fluctuatio aquæ clare percipitur, & corpus bilanci impositum pondere augetur, quo magis tumor abdominis increscit, tumor etiam in tympanitide rotundior est & abdomen tensius quam in ascite, facies non ita a naturali recedit &c. & hæc omnia in ascite ex copia aquæ infimo ventre contentæ tanquam causa proxima satis explicari possunt, in

A 3

tym-

(4) Instit. pract. sect. 2. lib. 7. cap. 3. §. 11.

tympanitide etiam ex posita causa proxima signa illa explicare in sequentibus conabor.

I V.

In causa proxima hujus morbi recte determinanda auctores plurimi semper hæsitarunt: *Helmontius* suum Archæum tanquam causam ponit, & quidem ejus indispositionem localem, qui tum cibos, subinde ne quicquam flatulentos, inflatus mutat: Veteres fere omnes, uti causam hydropis in frigida hepatis intemperie posuerunt, ita hoc in morbo siccitatem (5) jecinoris accusabant; alii *Sylvium* secuti ab effervescencia aut fermentatione hunc oriri morbum putarunt, inter quos numerantur *Etmuller*, (6) *Mayerne*, (7) *Regnerus de Graaff*, (8) & imprimis *Carol. de la Font*, (9) verum quia hæ sententiæ jam dudum a medicis fuere rejectæ, mihi non incumbet hisce refellendis operam impendere: sed *Willisius* (10) longe aliam excogitavit sententiam statuens tanquam causam proximam hujus morbi spiritus animales inordinate motos, unde fibræ ventriculi & intestinalum nimis rigidæ fiunt & tenduntur, quo pori clauduntur, & ita vapores intus manent, & hanc multis experimentis, & exemplis affirmare adnititur, imprimis quia hysterici & hypochondriaci sæpe tympanitici evadunt, in quibus spiritus animales omnium maxime inordinate moveri creduntur; verum huc usque demonstratum non est, an quidem spiritus animales dentur, & an, si dentur, faciant ad motum corporis, quod tamen hic loci non est inquirere, sed ea de re videri possunt experimenta Claris-

(5) Vide *Garæum* def. med. voce *ὑδρωψ*.

(6) *Oper.* tom. 1. pag. 130.

(7) *Prax. med.* cap. 10. lib. 3. pag. 279.

(8) In tract. de succo pancreatico.

(9) In dissert. de hydropse tympanite.

(10) *Pharm. rat.* tom. 2. sect. 2. cap. 4.

rissimorum virorum de irritabilitate & spiritu nervorum capta. vide imprimis *Hallerum* & *Boerhave* harum sententiarum patronos. Accedit, quod si per spiritus animales ita constringerentur intestina, ea nunquam in tantam molem expandi possent, quemadmodum in tympanitide observamus; Hanc tamen sententiam præclari in arte viri amplexi fuerunt, uti *Baglivius* (11) *Fred. Hoffmannus* (12) *Hecquetius* (13) *Castellus* (14) alique: *Littrius* (15) vero, cui maximam fere hujus morbi notitiam debemus e recentioribus, & qui frequenter cadavera tympaniticorum dissecandi occasionem nactus fuit contrarium sententiæ Willisianæ statuens atoniam causam proximam constituit; censet enim gravibus ac diuturnis morbis, quibus Tympanites plerumque succedit, sanguinem depravari, & subtili spirituosa & balsamica parte privari, unde tardior esset spirituum nervosorum ad ventriculum & intestina affluxus, sicque eorundem tonum maxime infringi, & ita atoniam oriri, quo contenta acescunt, fermentant, & aërem solvunt, unde ventriculus & intestina expanduntur, & ita tympanites generatur; sed hæc sententia gravibus etiam difficultatibus laborat, & non pauca ei contrariantur argumenta E. C. tympanites plerumque sequitur passionem hysterica, colicam flatulentiam &c. quibus potius spastice intestina coarctantur, quam ut flaccescant. Plura argumenta eaque pulchra ad has binas sententias enervandas videri possunt apud *Combalusier* (16), qui & plures sententias de hujus mor-

(11) *Prax. med. lib. 1. pag. 81.*

(12) *Med. Rat. System. tom. 4. part. 4.*

(13) *In sua medic. natur.*

(14) *Lexic. med. in voce tympanitis.*

(15) *Memoires de l'Academie Royale de sciences ann. 1723 pag. 235.*

(16) *In Comment. de flatulentis C. H. adfectibus. edit. Paris. 1747. pag. 151 — 153,*

morbi causa proxima adfert, sed quas brevitatis causa præterimus.

Considerari hic morbus potest tanquam solus & immediate a causa proxima originem ducens, vel morbo alicui conjunctus, vel ab eo ortus: prior dicitur idiopaticus, alter sympathicus, seu symptomaticus; hinc duæ ejusdem generantur species, quarum idiopaticam primo explicabimus, dein altera nobis considerata veniet.

V.

Hisce ergo præmissis veram causam morbi proximam adire nunc postulat ratio, & hancce ita esse debere existimamus, ut ex ea semel posita omnia signa explicari possint. Eam omnino in flatibus seu aëre elastico, a veteribus spiritu dicto positam esse censemus: verum antequam ea explicanda aggrediamur, non incongruum erit generalem aëris considerationem præmittere, ut ex ea ejus natura clarius pateat.

V I.

Aër vocatur illud fluidum, inconspicuum, tenue, grave; verum Chaos, corpora cuncta ambiens, & se omnibus miscens, calore expandi valens & frigore comprimi, penetrabile, catholicum, quo homo carere nequit, sed quod se miscet cibo & potui, ingreditur primas vias (17) & sanguini adfunditur, quocum totum corpus ambit, & cum aliis hu-
mori-

(17) *Hippocrates* suo jam tempore hoc agnovit. en ejus verba, quæ in libello de flatibus continentur: *cum multorum autem ciborum ingestione necesse est & multum spiritum ingredi, omnia enim, quæ eduntur, & bibuntur, spiritus in corpus inferunt, aliquando plures, aliquando etiam pauciores, id autem inde manifestum fit; quod plurimis eructationes post cibos & potus evenire solent, discurrente nimirum aëre incluso, ubi per-ruperit bullas, quibus abscondebatur.*

moribus secernitur (18), verum ejus maxima vis, & quasi ei propria vocatur *elasticitas*, quæ consistit in ea virtute, qua aër in minus comprimi spatium, & compressione remittente iterum sese expandere potest, hæcce enim vis nobis maxime contemplanda venit: plures vero qualitates continet, sed eæ descriptæ videri possunt apud *Boerhave* (19) *Mussenbroek* (20) *Hales* (21) aliosque, quas si proferrem, opus susciperem supervacaneum, itaque potius ex posita causa proxima explicanda signa aggrediamur.

V I I.

In descriptione morbi nostri (§. 3. proposita) inter signa ejus numeravimus.

1. *Solum ventris tumorem* quem ex aëre elastico intestinis contento oriri posse experientia satis constat: diximus enim (§. 6.) aërem ingredi corpus humanum, misceri cibo & potui, itaque si ex primis viis per quamcunque causam egredi impeditur, & vim suam elasticam exercet, facile patet, intestina mirum in modum extendi posse, & ita tumorem ventris posse excitare nemo inficias ibit. Quæ vero hæ causæ impediennes sint, clarius exponemus.

2. *Nullas impressorum digitorum foveas*, nam aër elasticus intestinis vel abdomine inclusus & in tumorem extensus pressionem digitorum resistit, & hoc manifestum ex elasticitatis definitione (§. 6. data) nempe aërem comprimi posse, sed statim, compressione sublata, iterum in pristinum statum resilire, quam primum nunc medicus vel aliquis ventrem examinare voluerit, digitis comprimat cum, statim oriuntur
B fo-

(18) Vide dissert. *P. van Mussenbroek* de aëris præsentia in hum. anim. ann. 1715.

(19) *Elem. Chem.* tom. 1. cap. de aëre.

(20) *Inst. Phys.* part. 2. cap. 37.

(21) In Tractatu, cui titulus *staticæ vegetantium*;

foveæ, quia aër comprimitur, digitis tamen remotis, aër resilit: & ita foveæ evanescunt.

3. *Sonitum a percussione ventris instar tympani ortum*: Scimus ex philosophicis (22) sonum oriri ex collisione aëris cum corporibus duris, hoc enim in casu digitis si prematur abdomen, aër quidem comprimitur, verum remota pressione aër elasticitate sua resilit, & quasi alliditur contra peritonæum & integumenta, & ita sonitum format, observamus enim quotidie, aërem primo coarctatum in intestinis, dein, coarctatione resoluta, exire cum sonitu, quem nos latine crepitum ventris, græce $\psi\omicron\phi\omicron\nu$, $\beta\omicron\mu\beta\omicron\nu$ aut $\tau\rho\iota\varsigma\mu\omega\delta\eta\nu$ appellamus, & hoc a solo motu aëris contra intestinorum interna oriri videtur,

4. *Nullam humoris fluctuationem* præcipuum signum in ascite fere semper est humorum fluctuatio, cujus causam aquam esse in abdomine contentam ex omnibus discimus, qui de eo scripsere, verum hoc in morbo in Abdomine aërem non aquam latitare supra (§. 5.) diximus: patet nunc ex natura aëris ipsa, ei nunquam fluctuationem saltem non perceptibilem posse adscribi, & eo minus fluctuationem illam instar motus humorum describi posse.

5. *Pondus corporis non auctum ea proportionem, qua augetur tumor ventris* in ascite aqua, in tympanitide aer causa est tumoris abdominis, aquæ pondus maxime illud aëris superat (23), est enim aëris gravitas specifica comparata cum aqua uti, 1 ad 800, itaque si consideratur copia aëris, quanta in ventre hoc in morbo continetur, & copia aquæ, quanta in ascite ventrem opplet, magna erit gravitatis diversitas, bilanci enim si imponatur homo tympaniticus, vix pondus ejus naturali erit majus, licet decresciente Abdomine, vel eodem accrescente, pondus ejus exploretur, verum si homo Ascite

labo-

(22) *Mussenbroek* inst. phys. part. 2. cap. 38. & 's *Gravesandæ* Elem. phys. mathem. lib. 2. cap. 9.

(23) *Mussenbroek* inst. phys. part. 2. cap. 37. §. 1341.

laborans idem examen fubeat, pondus ejus a naturali multum recedit, & quo magis aqua oppletur Abdomen, eo magis pondus ejus augeri debere & contra quisque facile concipit.

6. *Tumorem, ægro supine jacente, non cadentem ad latera* hoc etiam ex gravitate aquæ supra eam aëris explicari posse & debere ex præmissa explicatione satis clarum est, nam quo majus corporis pondus, eo magis premit, ergo Aqua plenus venter facilius pondere aquæ premitur ad latera, quam aëre ut ut levioris ponderis oppletus fuisset.

7. *Dyspnœam non magnam* (24) saltem non talem, quemadmodum in Ascite quotidie observant medici, oritur & in tympanitide & in ascite a pressione contra diaphragma producta in hoc ab Aqua in illo ab aëre, hæc enim diaphragmatis pressio pulmones impedit, quominus rite se explicare queunt, hinc circulatio in iis impeditur, & aër libere intrare & exire minime potest, verum hæc difficultas respirandi differt pro natura corporis prementis contra diaphragma, pressio enim aeris tanta non est, quia aqua semper eodem fere tenore agit, aër vero amplius non premit, elasticitate sua amissa, aqua etiam, durante morbo, semperfere acrimoniam contrahit, qua pulmones sæpissime afficiuntur, accedit, quod raro diu durat Ascites, quin ei simul jungatur hydrops thoracis, & ratio in promptu est, nam aqua cavitatem abdominis opplens pulmonum actionem impedit, tum ros ille naturalis concretionem eorundem cum pleura impediens, absorberi nequit, unde copia aquæ sensim sensimque augetur, & uti dicit Riverius (25) per cæca spiracula transfundat

B 2

dat

(24) Dicit quidem *Hippocrates* coac. prænot. num. 424. *Spirationes, quæ nonnisi erecta cervice ducuntur, hydropem siccum facere*, verum hic potius hydropem, in quo nulla sputa proveniunt, vel saltem thoracis aliquem morbum intelligi debere quam tympanitidem censet magnus *Hippocratis* commentator *Foësius* comment. ad eum locum pag. 185.

(25) *Prax. med. lib. 7. cap. 5.*

dat in cavitationem thoracis, unde maximam oriri posse dyspnoeam facile concipitur.

8. *Nullam difficultatem ex decubitu perceptam* nam aër levior est aquâ, & ergo magnam pressionem non exercet in partes abdominis, si æger decumbat, accedit, quod pressio aëris æque tanta fit ad superiora, quam ad inferiora (26), & ergo non magis partes inferiores premi possunt, quam superiores, cum e contrario aqua atmosphæræ pressioni resistere non valens semper ad inferiora cadat; premens aörtam aliasque partes ei adjacentes, unde difficultas in decubitu, dyspnoea &c.

9. *tumorem uno momento magis quam altero elevatum sine ulla manifesta evacuatione*, hujus phænomeni causa aliquantulum sita esse videtur in elasticitate aëris, nam aër semper eodem modo elasticitatem non exerit, sed frigore constringitur, calore vero expanditur, prout nunc magis aut minus calor aut frigus in corpore regnat, etiam aër magis aut minus expanditur, si enim calor hæreat in ventre vel extus ei applicatur, expanditur aër ventre contentus & tumorem elevat, si vero per aliquam causam frigus accedit, idem aër expansus constringitur, & tumor abdominis desidebit, licet nulla evacuatio *ανω* vel *κατω* adfuerit, præcipua tamen causa est absentia vel præsentia spasticæ intestinorum, præprimis coli constrictionis & relaxationis, quæ & constrictio spasmodica in hystericis & mobilibus non raro atoniæ juncta borboryg-morum frequentium & colicæ affectionis est causa.

In describendo differentiam inter ascitem & tympanitidem adjecimus adhuc duo signa, quæ nunc explicanda proveniunt, ergo.

10. *Abdomen in tympanitide rotundius & tensius quam in ascite* 1. in explicatione signi Octavi diximus, aërem æque omni parte premere, & hæc æqualitas causa hujus rotunditatis videtur, nam aër in abdomine contentus extendit totum abdomen æqualiter, unde facile concipitur posse rotunditatem oriri.

(26) Vide *Mussenbroek* inst. phys. part. 2. cap. 37. §. 1344.

oriri. 2. causa tensionis patet ex elucidatione nostra, quam de signo tertio dedimus, tumorem enim, qui tympani instar sonat, tentum esse debere quotidiana docet experientia, si modo attendamus ad corpora durissima, quæ maximum sonum edunt, & patet ex natura rerum, nam, quo durius corpus eo allisio aëris major & contra.

II. *Faciem non ita a naturali statu, quam in ascite recedentem* in ascite enim 1. sanguis solutus colorem suum amittit, quia aqua in eo abundat 2. per aquam vasa laxantur 3. acrimonia ejus eroduntur ea, unde deformitas in cute nascitur, imprimis tamen in facie conspicua 4. nutritio depravatur, quia primæ viæ per aquam corripuntur: verum in tympanitide aër infimo ventre contentus sanguinem non depravat, unde color naturalis constans manet, progressu quidem morbi atrophia accedit per expansionem a flatu primarum viarum, & compressionem inde productam, verum quia sanguis non ita corrumpitur evidenter patet cutis colorem non ita depravari, & idcirco faciem non ita a naturali statu posse degenerare: contingit tamen non raro, ut tympanitidi jungatur anasarca cum faciei pallore & intumescencia, verum hoc non nisi in diu durante morbo observatur.

V I I I.

Ex hisce explicatis facile patere mihi videtur causam proximam tympanitidis revera consistere in aëre elastico infimo ventri incluso, sed ex anatomicis scimus, ventris infimi cavum illud esse, quod hæret intra peritonæum ab apice cartilaginis ensiformis ad pubim usque extensum, continet ergo adhuc duas cavitates, abdominis scilicet & intestinorum: ex examine tympaniticorum clare patet, infimum ventrem esse obpressum, quænam vero pars ejus laboret, vel laborare possit, de eo jam dudum lis fuit agitata: veteres plerique causam proximam quidem aliquomodo determinant, verum rarissime locum determinatum describunt, in quo causam hujus morbi latitare cogitabant, apud omnes fere quidem lo-

cus mali invenitur ventris cavum, sed ex anterioribus hujus §. patet, ventris cavum ex duobus componi, abdominis & intestinorum, vide *Hippocratem* (27) *Galenum* (28) *Celsum* (29) eorumque commentatores (30) nunquam apud eos de sede mali fit mentio: *Aretæus* (31) solus determinavit malum hæere in cavo abdominis, ex *Boneto* (32) *Mangeto* (33) *Riverio* (34) *Sennerto*, *Foresto* res magis non elucescit: Verum *Duretus* (35) primus hæcce protulit hinc *hydrops siccus*, *cujus causa materialis flatus est*, qui fere semper continetur in capacitatem intestinorum: & *Seuerinus* (36), qui malum ipsum tamen non novit, si tympaniticum aperit, dicit quod intestina erant squalentia, coloris ianthini, & quasi fistula inflata fuissent, præturgida: *Littrius* (37) & hosce secutus, re examinata, sedem mali determinavit, dicens tympanitidem esse aëris collectionem in ventriculo & intestinis, asseritque, se nunquam in cadaveribus tympaniticorum invenisse aërem (quidem interdum aquam) in cavo abdominis inclusum, verum semper ventriculum & intestina mirum in modum fuisse expansa, unde certum tympanitidis locum in primis viis ponit: huic calculum suum adjecit *de Haen* in aureo suo opere de rat. Med. (38) ubi exemplum adfert notatu dignum, & multas auctorum sen-

(27) Coac. prænot. num. 424, 453 & 458, & sect. 4. Aphor. 11.

(28) Comment. ad ea loca *Hippocratis*.

(29) De medicina lib. 3. cap. 21.

(30) *Foësi* Comment. ad loca eadem *Hippocratis*.

(31) pag. 43 & 49.

(32) Sep. Anat. tom. 2.

(33) Biblioth. med. tom. 2.

(34) Prax. med. lib. 11. cap. 6.

(35) Adnot. ad *Hollerium* lib. 1. cap. 39. p. 305.

(36) De abscess. recond. nat. pag. 271.

(37) Memoires de l'Academie Royale des sciences ann. 1713.

(38) part. 2. cap. 5.

sententias examinat; verum apud plerosque recentiores invenimus sedem mali esse vel in cavo intestinorum, vel in cavo abdominis, unde duæ hujus morbi species generantur, vide *Baglivium*, (39) *Mead*, (40) *Osterdyk*, (41) aliosque: apud quosdam vero plures species enumerantur pro varia aëris sede, ita generatur *empneumatosis*, si aër hæreat in panniculo adiposo, *pneumatocoele* si in scroto, (de qua multi recentiorum dubitant, an quidem detur,) *pneumatomphalos*, si in umbilico prominente aër contineatur (42): verum *Boerhave* (43) tres species enumerat, scilicet in cavo abdominis, duplicatura peritonæi & in dilatatis glandularum cavis, sed an revera duplicatura peritonæi detur, huc usque explicatum non est, a multis enim negatur, a multis revera adesse censetur, quorum alii in quibusdam locis peritonæi, alii in tota ejus mole duplicaturam dari existimant: plura de hac questione videri possunt apud *Douglafs* (44) peritonæi accuratum descriptorem, ubi omnes fere sententias pro & contra enumerat, sed quas mei non est hicce explicare: verum licet adesset ea duplicatura, probabile tamen non est in ea aerem ita posse habitare, ut tympanitidem mentiatur, tum enim tumor tantus apparere nequit, ut inde certo concludatur, revera hunc morbum adesse: alteram *Boerhavii* opinionem quod attinet, de ea rogari licet, an ibi intelligat glandulas cutaneas, an vero glandulas intus in corpore sitas, si primum verum obverti potest, a quibusdam anatomicis demonstratum fuisse, eas non dari, nec dari posse, vide modo *Heisterum*, (45)

Ruy.

(39) *Prax. med.* pag. 81.

(40) *Mon. & præcept. med.* cap. 8.

(41) *Inst. pract. sect. 2. lib. 7. cap. 3. §. 10.*

(42) Vide de hisce de *Gorter Chirurg. repurg. lib. 10. cap. 5. §. 1448.*

(43) *De cog. & cur. morb. aphor. 1226 & 1251.*

(44) *In descript. peritonæi Lugd. Bat. 1738.*

(45) *Comp. anat. Ed. 1718. pag. 190.*

Ruyfchium (46) aliosque : si alterum verum , certe dubitari licet & potest , an quidem ex inde tumor ventris oriri posset , ex quo suspicio nasceretur , tympanitidis speciem adesse , accedit , quod rarissime glandulæ in tantam molem excrescant : numerantur ab aliis auctoribus aliæ morbi nostri species pro vario loco , quem aër occupat , verum ex descriptione hujus morbi , §. 3. data , patet , nos locum ejus solummodo posuisse in ventre , itaque cum auctoribus plurimis duas modo species esse statuimus , in cavo nempe intestinorum , & in cavo abdominis , & hæc breviter in sequentibus explicabo , verum , ut clariora evadant , quæ in posterioribus dicenda proveniunt , liceat mihi brevem partium , quæ laborare possunt , descriptionem Anatomicam & physiologicam præmittere.

I X.

Per cavum intestinorum intelligo tractum seu tubum , qui incipit a fine æsophagi & in anum finitur , nempe illas partes , quæ plerumque apud physiologicos nomine primarum viarum proveniunt ; itaque simul eo nomine comprehendo ventriculum , qui etiam hoc morbo certe laborare potest : Ventriculus est vas membranaceum cibos recipiens , concoquens , expellens , adhærens Æsophago , ex quo cibos recipit , & terminans in primum intestinum , in quod cibos expellit , gaudet duobus orificiis 1. anteriori Cardia dicto , 2. posteriori , quod pylori nomine provenit , per primum cibus ventriculum ingreditur , per alterum eo exit . Componitur ex quatuor tunicis , quæ sunt 1. exterior , sive *Membranacea* 2. *Musculosa* 3. *nervea* , 4. interior sive *villosa* , ex qua plerumque depluit succus gastricus ex ultimis arteriis in ea hærentibus secretus , quo & reliquis humoribus cibus in ventriculo adfluentibus , ut saliva , bile , succo pancreatico , imo ipso aëre , fotu partium adjacentium , actione muscutorum abdo-

(46) Adv. Anat. dec. 1. pag. 9.

abdominalium adjuvatus actione sua musculari digestionem alimentorum efficit ventriculus, eaque in intestina protrudit: quæ (intestina) sunt unus idemque tubus alimentarius a pyloro ventriculi incipiens, & in anum terminans, numeratus plerumque sextuplo longior quam homo, in quo continetur; dividuntur in tenuia & crassa; tenuia sunt tria, duodenum, jejunum, ileum, crassa etiam tria, cæcum, colon, rectum: gaudent eadem structura ac ventriculus, nisi quod a quibusdam (47) membrana quinta addatur nomine *cellulosa Ruyschii*, hærens inter membranaceam & musculosam: multæ in iis adsunt valvulæ, imprimis in crassis, ut cibus non ita cito excederet: patulis osculis in tenuibus hærent vasa lactea, quæ chylum e cibo absorbent & in sanguinem deferunt: hæc omnia & multa alia ad ea pertinentia, quæ tamen ad scopum nostrum non faciunt clarius & fusius videri possunt apud Anatomicos & physiologicos imprimis apud *Winslow* (48) & *Boerhave* (49): nostri modo est hæc breviter enumerare, ut inde cognitio morbi vel saltem ejus causarum proegumenarum clarius innotescat, hisce & contenti satis esse possemus si ad aërem retinendum plurimum non faceret intestinorum situs, qui quam maxime mirabilis est, & itaque paulo accuratius considerandus nobis se offert: intestinum *Duodenum* oriens a pyloro ventriculi parumper statim retrorsum à superiori oblique deorsum incurvatur versus renem dextrum, cui magis vel minus adnectitur, indeque ante arteriam renalem, venam cavam a dextris sinistrorsum usque ante aortam & ultimas dorsi vertebrae adscendendo excurrit, dein oblique antrorsum leviter inflectendo inferitur intestino *jejunum*, quod statim deorsum & a sinistris dextrorsum secedendo

C

a ver

(47) *Heister*. comp. anat. pag. 62. enumerat 5. *Winslow*. vero expos. anat. tom. 4. a §. 92 ad 102. modo 4. adesse statuit.

(48) ibidem.

(49) *Inst. med.* a §. 76 ad 113.

a vertebra recurvatur, gyrosque multos facit, qui præcipue superiorem regionis umbilicalis partem occupant, & circumdantur in utroque latere & inferius a gyris intestini *ilei*, quod a latere sinistro per hypogastrium versus dexteriores serpentino ductu excurrando infra renem dextrum terminatur & cum intestino colo connectitur, & quidem parietem ejus sinistram subit, ita ut angulus supra sit obtusus: infra acutus, coli substantiam intrat, & quasi ab ea absconditur & immittitur ejus extremitas aperturæ cuidam, quæ valvula coli *bauhini* dicitur & præcise eo in loco ponitur, ubi cæcum cum colo connectitur impediens regurgitationem alimentorum, vide de hac insertionem plura apud *Morgagnium* (50) & *Albinum* (51). Intestinorum crassorum primum est *cæcum* recentioribus caput crassorum dictum, quod instar sacci, apertura sursum spectante, in ileo dextro situm est, & ab ultimo ilei gyro absconditur, huic adnectitur processus vermiformis *vesalio* intestinum cæcum dictus (52), de cujus usu maxime inter anatomicos disputatur, quod nos sicco pede transimus, vide de hac questione *Morgagn.* (53) *Winslow.* (54) & dissertationem non inelegantem de intestinis crassis a *Michell.* nuperrime in Academia Leideni editam (55) continuatio cæci *colon* est, quod instar arcus supra renem dextrum tendit ad hypochondrium dextrum dein sub fundo ventriculi sinistrorsum descendens usque ad partem inferiorem hypochondrii sinistri extenditur, descendit per ileum sinistram, & prope ultimam vertebra lumbarem, flexu facto, descendens inseritur intestino recto: hæc intestina (nempe cæcum & colon) maxime mirabilia sunt ob

(50) Animad. 11. adv. 3.

(51) Annot. acad. lib. 3. fig. 5.

(52) Vide *Morgagn.* adv. 3. tab. 1. fig. 2.

(53) ibidem.

(54) Expos. anat. tom. 4. a §. 139 ad 143.

(55) 2 April 1759. §. 7.

nodosam constructionem dependentem a mesocolo & ligamenti per eorundem longitudinem decurrentibus (56): intestinum *rectum* recta linea ante internam sive anteriorem ossis sacri faciem usque versus extremitatem coccygis descendit & in anum terminatur, qui sphinctere gaudens aperturam ibi obviam claudere & aperire, & ita contenta transmittere, vel & eadem retinere potest.

X.

Cavum Abdominis esse censemus inter peritonæi internam & intestinorum externam superficiem, & ita omnia viscera peritonæo inclusa in cavitate Abdominis sita esse dicuntur: scimus enim ex Anatomicis, dari involucrum membranaceum viscera Abdominalia sacci instar includens, statim post musculorum Abdominalium separationem deregendum, quod vocatur *peritonæum* a περιτείνω i. e. *circumtendo*, quia circumtenditur circa viscera abdominalia: in ea nunc cavitate naturaliter exhalat ros subtilis ex interna peritonæi superficie omnia incommoda ex continuo attritu & jactationibus, quibus viscera exposita sunt, impediens, qui absorbetur a vasis absorbentibus, quod per aliquam causam si impeditur, statim ros ille in aquam mutatur: quæ mutatio etiam obtinet in Cadaveribus, frigore nempe si ros ille condensatur.

XI.

Sedibus mali determinatis ordo postulare, ut causas proëgumenas & procatarticas proponerem, verum prius utile esse puto quædam signa enumerare, quibus discernitur, an aer in cavo intestinorum, an vero in cavo abdominis latitet.

Concludimus ergo in intestinis aërem contineri.

C 2

1. Ex

(56) Vide de his Eustach. tab. 10 & 11. & Morgagn. adv. anat. 3. pag. 26. & seq.

1. *Ex inæqualitate tumoris Abdominalis*, nam intestina inæqualiter, ut ita dicam, inter se jacere ex §. 9. patet, si illa nunc aëre sunt distenta, & ita tumorem abdominis efformant, clarum satis est, inæqualitates oriri debere, quia abdomen ita elevari nequit eo loco, ubi interstitia sunt inter intestina, quam eo loco, ubi intestina per aërem globosa tumorem faciunt: huc etiam facit quam maxime structura nodosa intestinorum cæci & coli a nobis in fine §. 9. propofita: hoc in casu digitorum ope exacte intestina discerni possunt.

2. *Ex murmuribus & torminibus præcipue circa umbilicum oriundis* hinc dicit Hippocrates (57) *supra umbilicum labor, ac lumborum dolor, qui remediis nam cedit, in hydropem siccum desinunt.*

3. *Ructibus emissis & alvi expurgatione facta si sublevatur æger.*

4. *Ex colico dolore, si frequenter ille accidit.*

5. *Ex antecedentibus morbis tubi alimentarii, ut sunt colica flatulenta, alvi constipatio, inappetentia, ructus &c.*

Hæcce nunc omnia satis explicari posse ex aëre in intestinis hospitante patet tam ex natura flatuum, quam ex historia eorum morborum, quos num. quinto enumeravimus. Abdominis cavum sedem mali esse demonstrant.

1. *Absentia signorum, quæ intestinale tympanitidem indicant.*

2. *Si portentosa fuerit ventris intumescentia*, tunc enim aër majorem tumorem efformare potest, quam si intestinis contineatur, quia intestina semper aliquomodo vi sua contractili nimix expansioni resistunt, & in tantum tumorem abdomen elevare nequeunt.

3. *Si ei hydrops ascites junctus fuerit*, quod magis in hac specie, quam in prima locum habere videtur.

4. *Ex majori sonitu, quem percussus venter edit, quam in intesti-*

(57) Coac. prænot. num. 304. vide etiam sect. 4. aphor. 11. & Coac. prænot. num. 458.

intestinali (58) imprimis si puro & non foedato aëre oblitus est venter, tunc enim aër proximior fortius & æquabilius abdomen extendere potest, præterea quamvis asciti nuptus sit tympanites, aër levior & sublimior aquis infra stagnantibus peritonæum immediate attollit: unus casus tamen excipitur, si nempe hydrops anasarca ei junctus fuerit.

X I I.

In enumerandis causis procatarticis & proegumenis hunc servabimus ordinem, ut primo proponamus eas, quæ intestinalem, postea quæ abdominalem tympanitidem generare possunt.

Ad primum referenda:

1. *Laxitas ventriculi & intestinorum*, omnes homines flatus vel aërem in intestinis gerunt, ipsi vero nesciunt, quia per (59) intestina fortia subigitur & expellitur, quam primum nunc eidem homines laxitatem ventriculi & intestinorum contrahunt, statim cibus eis contentus acidus fit & corrumpitur, unde aer solvitur & flatus generantur, qui, quia intestina eos subigere non valent, statim intestina expandunt; tonum eorum tollunt, & paralyfin producant: hinc frequens talis flatuum generatio in iis, qui aquosis & spirituosus abutuntur.

2. *Materia putrefacta in primis viis hærens*, ratio est, quia fermentatione & putredine per calorem ventriculi nata aëris particulæ humoribus intricatæ solvuntur, ob destructionem, quam

C 3

(58) Vide *Carol. de la Font* dissert. de tympanite cap. 12. pag. 202.

(59) Hinc non male tales flatus *Helmontius* in libello de flatibus §. 37. vocavit naturales, & productum aliquid utile esse dixit.

quam ergastula aëris patiuntur: vide *Boerhave* (60) *Dan. Cox* (61) *de Gorter* (62) aliosque.

3. *Constrictio intestinorum* hoc sæpissime fit & interdum ita vehementer, ut nihil alimentorum foecumque transire queat, unde eadem sistuntur ante locum constrictum, & ex iisdem mora putrefactis aër elicitur, colligitur in intestinis, & tympanitidem generat; huic constrictioni occasionem præbere videntur omnia, quæ intestinis spasmus conciliant, imprimis tamen ille morbus, qui passio iliaca seu volvulus aut miserere mei medicis vocatur (63) (de quo postea plura habemus): Narravit mihi expertissimus *J. van der Haar* Chirurgus Sylvaducensis, se observasse in duobus subjectis intestinum rectum adeo constrictum & quasi callosum, ut tenuissimi penicilli ope vix aliquid flatuum aut foeculentæ materiæ elicere posset; unus horum antea etiam volvulo laboraverat: exemplum huic simile invenitur apud *de Haan* (64), qui credit inflammationem intestini huic constrictioni ansam dedisse: retulit & mihi ornatissimus *H. van Noppen* practicus Trajectinus, se observasse constrictionem in cadavere infantis circiter duorum annorum, ubi intestinum rectum maxime erat coarctatum, cætera vero intestina flatu summopere distenta: plura constrictionis exempla videri possunt apud *Ruyfch* (65) *Scharp* (66) *Schurigium* (67) *Peyerum* (68) *Swietenium*

(60) *Elem. chem.* tom. 2. pag. 293.

(61) *Philosophical Transactions* n. 100. pag. 7002.

(62) *Chirurg. repurg.* lib. 10. cap. 5. §. 1449 & 1452.

(63) de eo morbo vide *Oosterdyk* *inst. pract. sect. 2. lib. 7. cap. 10.*

(64) *Rat. med.* part. 2. cap. 5. pag. 78 — 81.

(65) *Oper.* tom. 1. obs. 95 & 96.

(66) *Oordeelk. aanmerk. over de heelkunde* pag. 244.

(67) *Chylolog.* pag. 538.

(68) *Parerg. anat.* pag. 62.

nium (69) aliosque, verum apud eos nil de intumescencia ventris constrictione nata habetur, quam tamen tympanitidem posse generare manifestum est.

4. *Intestina & ventriculus omnimodo obturata*, huc facit congestio foecum & alimentorum, tunc enim via obturatur & liber aëris transitus impeditur, accedit, quod & mora putredinem contrahant alimenta, unde flatus generari ex num: 2. hujus §. manifestum: ita narrat *Langius* (70) de tympanitide orta ab ovis in aceto frixis halis largiori copia adsumtis in auriga observata; ita ab alimentis duris nimium ingurgitatis quotidie infantes ventre intumescere videmus: ita a vermibus generatum esse narrat *Hercules Saxonia* (71): Ab ulcere ani fistuloso alvum supprimente in *Misc. Nat. Curios.* (72): ita a callo ventriculum obturante natum tympanitidem scribit *Schenkius* (73) qui & meminit concretionum ani a natiuitate & ab ulcere (74): ileum coalitum, unde lethalis volvulus habemus apud *Bartholinum* (75): funestam alvi constipationem ab intestino recto cicatrice coalito legimus apud *Rhodium* (76): & colicam per sex annos a nucleo prunæ intestinis concreto, eorumque viam obturante in *Act. Edimb.* (77): huic obturationi ansam etiam præbere potest nimia constrictione externa abdominis per vestes a virginibus facta, ut graciles essent, de quibus dicit *Terentius* (78):

quas

-
- (69) Comment. ad aphor. *Boerb.* tom. 3. ad §. 960.
 (70) Oper. part. 2. cap. 5. §. 13. in adnot. p. 33.
 (71) Prælect. pract. part. 2. cap. 24.
 (72) Dec. 1. anno 2. pag. 140.
 (73) Obs. med. lib. 3. p. 391.
 (74) Vide ibidem pag. 419.
 (75) Histor. 136. cent. 6.
 (76) Observ. 8. centur. 2.
 (77) Tom. 1. art. 32.
 (78) In *Eunucho* act. 2. scen. 3. v. 21.

————— *quas matres student*

*Demissis humeris esse, victo pectore, ut graciles fient,
Si qua est habitior paulo, pugilem esse ajunt, deducunt cibum
Tametsi bona est natura, reddunt curatura junceas.*

Per illam enim externam constrictionem transitus materiæ alimentariæ impeditur, unde ea stagnat, corrumpitur, & flatu seu aërem suum emittit (79) maxime tamen huc referri meretur introsusceptio intestinorum i. e. si intestini cujusdam constricti pars priori intestino distento flatibus ingreditur ita, ut nihil transgredi possit: non vero est convolutio intestinorum, uti quidam medicorum putarunt, nam mesenterium iis adhæret, sed verus ingressus, vide *Peyerum* (80) *Kerkringium* (81) *Sylvium de le boe* (82) *Plempium* (83), ubi ratio explicatur, & exempla adducuntur, ex quibus clare patet dari susceptionem illam & dari posse eamque sæpissime causam flatuum, & ita etiam tympanitidis esse (84).

5. *Morbi quidam prægressi*, ut sunt colica flatulenta, quæ modo minor gradus tympanitidis videtur eandem cum hoc morbo causam agnoscens: hydrops ascites, nam in eo plerumque dantur purgantia drastica, quæ quam maxime intestino-

(79) Per talem & constrictionem in juvenulæ cadavere ventriculum in duas quasi partes divisum se observasse mihi communicavit *Celeb. J. Bon. Med. Professor Sylvaducensis*.

(80) *Parerg. anat. exerc. 1. cap. 9.*

(81) *Specileg. anat. obs. 42. pag. 95. & 96.*

(82) *Prax. med. lib. 1. cap. 15. §. 18. & seq.*

(83) *Fundament. med. cap. de mesenterio.*

(84) De hoc morbo elegantem dissertationem inauguralem anno 1742. conscripsit *Corn. Hen. Velfe*, quæ citata videri potest apud *Van Swieten* comment. ad aphor. *Boerh.* ad aph. 960. tom. 3, ubi plura de constrictione intestinorum inveniuntur.

finorum tonum corrumpunt, & ea paralytica reddunt, cum
 & ambiens aqua calida innatantia intestina continuo hume-
 stat & laxiora reddit: ileus morbus (quod ex num. 3. hujus
 §. clarum est): morbi Chronici, per hos enim Cachexia ori-
 tur & solida debilitantur, imprimis primæ viæ, quarum de-
 bilitatem homines ad hunc morbum disponere supra num. 1.
 hujus §. diximus, ita oriuntur flatūs a febribus diuturnis, quod
Hippocrates suo jam tempore agnovit, dicit enim (85) *in fe-*
bribus, alvo a flatibus distento flatum non erumpere malum: ita
 etiam post morbos male tractatos flatūs oriri quotidiana do-
 cet experientia, nonne videmus sæpenumero, post febres
 (86) nimis cito more circumforaneorum per corticem per-
 uvianum debellatas ventrem intumescere & si diu durat asciti-
 tem generari? & ratio in promptu, nam per eum, corpore
 febris non satis depurato, oriuntur obstructions, imprimis
 si in substantia forma pulveris propinetur, unde materia ano
 excerni solita retineatur in intestinis, & hinc infarctiones
 gignuntur, quas flatūs producere ex num. 4. hujus §. clarum
 est: Nonne frequentissime puerperæ, postquam foetum ute-
 ro excluderunt, ventris expansionem patiuntur? & quid ali-
 ud hoc est, quam aer intestinis inclusus, cujus causa est in
 infarctu primarum viarum oriundo a neglecta post partum
 alvi expurgatione: hoc etiam oritur si non rite constringatur
 abdomen, nam intestina huc usque per uterum expansum
 compressa se satis ita statim, utero depleto, in pristinum sta-
 tum restituere nequeunt, unde tonum suum amittunt & fla-
 tibus huc usque congestis expanduntur idque malum augetur,
 si frigus accedat. (87)

Ad morbos prægressos ad tympanitidem prædisponentes re-
 ferri possunt hæmorrhoides, menses & lochia suppressa, lie-
 nis

(85) Coac. prænot. num. 44.

(86) Vide *Juncker* conspect. med. theor. pract. tab. 65. pag.
 426.

(87) Vide Hist. morb. uratislav. pag. 222.

nis obstructions, pedum refrigerationes, nam hisce sanguis nimium ad intestina determinatur, unde ea constringuntur & flatus accumulatur: materia morbosa quæcunque retro-pulsa & in intestinis deposita, scilicet arthritica, podagrica, febrilis &c. Vermes & meconium acre infantum intestina obstruentia: & tandem icterus, cujus causa est impedita bilis excretio in intestina (88), unde digestio læditur ob contentorum lentorem & tubi alimentarii imbecillitatem, accedit, quod ea stagnatione facile corrumpuntur alimenta, unde aer extricari potest: memorabilem hujus rei casum literis mihi communicavit ornatissimus *H. van Pothuysen* Practicus Wageningensis: scilicet femina fere sexaginta annorum quotannis bis aut ter laborabat colico dolore, cui semper superveniebat icterus, anno 1759. mense aprili eodem correpta est morbo sola hac differentia, quod nunc ictero junctus fuerit tympanites, & curata fuit superveniente febre tertiana satis vehementi: ratio hujus rei mihi clara videtur, femina enim hæc jam annosa quotidie solebat ingerere cibos duros, & coctu difficiles, qui a ventriculo digeri non valentes saburram effecerunt in primis viis, unde primo colicus dolor, dein per obstructionem ductus choledochi icterus natus fuit: diximus nunc (hac §.) defectu bilis generari imbecillitatem ventriculi & corruptionem alimentorum facilem esse, unde flatus generari posse & inde tympanitidem jam jam demonstratum est, febre nunc vehementi, quæ superveniebat, soluta sine dubio est materia in ventriculo & intestinis hærens, & per evacuationem quandam e corpore eliminata, forsan & calculi fellei adfuerunt ductum choledochum obstruentes, qui vi febris alvi fluxu corpore educti sunt, *hos enim*, uti dicit *Swietenius* (89) *frequentissimam icteri periodici causam esse observationes numerosissimæ docuerunt.*

Hippocrates sibi contradicere videtur, narrat enim de quodam

(88) Vide *Oosterdyk* inst. pract. sect. 2. lib. 7. cap. 2. §. 7.

(89) Comment. ad aphor. *Boerb.* tom. 3. pag. 132.

dam Apollonio in abderis, qui auriginosus vel ictericus mortuus est (90) & tamen, uti ait, flatulentus fuit, verum alio loco (91) dicit *morbo regio i. e. ictero laborantes non admodum flatulenti*, sine dubio, quia ponit causam flatuum in debili calore, & e contrario icteri causam in humore acri mordicante: Adjecit *non admodum*, ita perpetuitatem negationis interrumpens, uti explicavit *Galenus* (92).

Plures quidem causæ ad hunc morbum disponunt, sed cæ omnes in causis flatuum sunt quærendæ, itaque, his missis, ad alteram nostri morbi speciem adgredimur.

X I I I.

Species jam enarrata fere ab omnibus conceditur, sed de ea, quæ nunc explicanda provenit, quam maxime disputatur, & multi nostri ævi præclari practici totam negant: diximus enim (§. 8.) *Littrium* sedem semper determinare in cavo intestinorum: *De Gorter* vero sedem ejus ponit solummodo in cavo abdominis: sed hic quam maxime scillam esse vitandam ne incidamus in Charybdin certe censeo, nam licet *Littre* & qui eum secuti sunt, semper in intestinis aërem invenerint, tamen in abdominis cavo eundem posse nidulare & tympanitidem creare, ratio non vetat, nec experientia obstat: *Meadius* enim de ea loquitur dicens (93) *interdum vapor in cavo ventre conclusus abdomen prorsum pellit, quod pulsatum sonitum edit*, & exemplum senis adducit tympanitide laborantis, e cujus abdomine post mortem secto halitus cum sonitu

D 2

nitu

(90) Lib. 3. de morb. popularibus ægrot. 13. pag. 1111. & 1112. Ed. Foës.

(91) Sect. 5. aphor. 72.

(92) In comment. ad locum præced. *Hippocratis*.

(93) Mon. & præcept. med. cap. 8.

nitū prorūmpebat: *Heisterus* (94) in *Hollandia* studiis incumbens tympanitidem cum *Ruyschio* observavit, in quo aer continebatur in cavo abdominis, illæsis intestinis, cui observationi hoc subjecit testimonium, dicens: *Ruyschius antea tale nunquam viderat; & forsā etiam nunquam postea, ego jam septuagenarius, qui post quadraginta & sex annos multa dissecai cadavera, nunquam tale rursus vidi, licet dissecauerim quædam, de quibus putabant; tympanitidem fuisse causam mortis &c.* cum qua sententia congruunt observationes *Combalusier* (95) & *de la Font* (96), qui tympanitidem abdominalem se observasse testantur: nec rationi hæc sententia contrariare mihi videtur, quod ut probarem quasdam causas hanc speciem generare valentes proferam.

X I V.

Inter hæc refertur.

1. *Ros abdominis non resorptus*, Doctissimi quidam practici censent causam huius phænomeni consistere in elasticitate ro-
ris abdominalis: ponunt enim rorem illum ex natura esse elasticum, quamprimum nunc ille ros in abdomine exhalans & absorberi solitus non absorbetur, aer elasticus vim suam exercet & abdomen expandit, unde tympanites generatur: sed pace tantorum virorum liceat mihi huic contrariari sententiæ; si enim ros ille ex natura fuerat elasticus, etiam humores, ex quibus secernitur, aërem manifesto elasticum continere deberent, quod tamen experientiæ contrariatur, & si hoc verum foret, tunc sæpius tympanitide laboraremus, quamprimum modo ros non absorberetur, hoc enim quotidie fit, simulac modo frigore constringitur corpus, tunc vasa absorben-

(94) Observat. pag. 28. recensit. in *Vogels neue med. Bibliothek* voll. 1. pag. 8.

(95) Comment. de flatulent. C. H. adfectibus pag. 38.

(96) Dissert. de hydrope tympanite.

bentia constricta rorem accipere nequeunt, unde tunc tympanites generaretur: dicit etiam *Boerhave* (97) aëra latentem in liquoribus eandem vim non exercere, quam pollidet, si extra eos unitus existit, & multos auctores, eosque, qui acute cernunt, fuisse in eo deceptos; exemplo adducens magnum *Borellum* in tractatu de motu animalium, ubi de vitali oscillatione aëris elastici intra sanguinem agit: huic *Boerhave* consentientem habemus magnum *Mussenbroek* (98) dicentem, quidem aërem in humoribus animalium contineri, sed cum non aliter in iis operari, ac si non adfuisset, & hunc naturaliter ab humoribus liberari non posse, & si liberaretur ab iis, vehementer resisteret circulationi humorum, obstrueret vasa, & repentinæ mortis causa foret: Scio quidem, mihi objici, vaporem interdum esse elasticum, licet fluidum, ex quo provenit, ex se elasticum non sit: exemplo sit aqua æolipilæ inclusa, quæ igni imposita vaporem ingentem edit, & quidem ita elasticum, ut vi maxima ad latera profiliat, cum tamen aqua in se elastica non sit (99): sed an quidem analogia inter humores intra corpus, & fluida, quæ extra illud existunt, locum obtinere potest, merito dubitari licet, quippe quæ aëri atmosphærico patent, & idcirco ejus vires acquirant, accedit, quod tum in omnibus corporis humani cavis, in quibus exhalat vapor, etiam aer elasticus generari posset, simulac modo absorbtus ejus roris impediretur: ita inter pericardium & cor, inter pulmones & pleuram, inter cerebrum & duram matrem expansio ab aëre oriri posset, quod tamen me nunquam legisse memini, hoc quidem in casu, si putrida materies adfuerit: quare itaque potius cum *de Gorter* (100) statuerem, vaporem illum non

D 3

rite

(97) Elem. Chem. tom. 1. pag. 524. & pag. 453.

(98) Natuurkunde 4to pag. 446. §. 886. & pag. 230. & instit. phys. tom. 2. cap. 37.

(99) Vide *Mussenbroek* inst. phys. tom. 2. cap. 26. §. 923.

(100) Gesuyverde geneeskonst 8vo cap. 46. p. 230.

rite absorbtum stagnare, in aquam mutari, putrescere, & ita aerem contentum solvi, qui se tunc expandit, & tumorem format.

2. *Intestina perforata*: huc enim facit eorundem fibrarum secessus per *διαίρεσιν*, & *διαπυρρῶσιν*, cujus causæ possunt esse vermes fibras dilacerantes, quorum exemplum habemus apud *Schaarsmith* (101), qui narrat de homine quodam se in pugna exercente, ut comilitonibus ita fortitudinem monstraret, cujus intestinum dilacerabatur, verme in cavo abdominis repperito: ita per excrementa dura intestinum colon ruptum refert idem (102): ita ileum perforatum in rustico irato & corpus distendente, postquam aliquot annis hernia inguinali laboraverat, legimus in *Act. Phys. Med. Norimb.* (103): ita ileum gangræna perforatum in muliere sexaginta & octo annorum (104): ita ileum perforatum a scrupulis pitorum mespilaceorum in opifice viginti quinque annorum, a quo per quatuordecim dies passione iliaca correptus mortuus est (105): ita foramen in ventriculo, per quod flatus & alimenta transibant eisdem *actis* habemus (106), cui analogum exemplum exstat apud *Vogel* (107) & in *comment. lipsiens* (107*) hanc etiam perforationem fieri posse, & ita tympanitidem abdominalem generari posse agnovit *Hallerus* (108): observavit enim aerem inter tunicam muscularem & externam intestinorum hærentem, censet nunc facile aerem posse transgredi in abdomen, si modo aliqua vi tunica externa rumpetur: ansam huic perforationi etiam præbere posse videtur corrup-

tio

(101) *Prax. med.* 4to germ. idiom. tom. 3. obs. 38.

(102) *ibidem* pag. 300.

(103) *Voll.* 9. obs. 2. pag. 8.

(104) *Ibidem* obs. 3.

(105) *Ibidem* obs. 4.

(106) *Ibidem* obs. 5. & *voll.* 4. obs. 38. pag. 124.

(107) *Neue Medicinische Bibliothek.*

(107*) *De rebus in med. & sc. nat. gestis voll.* 1. part. 1. p. 30.

(108) *Opuscul. patholog.* obs. 26.

tio intestinorum : exemplo sit canis mortuus & in aquam con-
jectus, qui semper post aliquot tempus tympaniticus evadit,
nam saxo alligatus statim aquæ fundum petit, aliquot vero
diebus præterlapsis, iterum supernatabit in magnam molem
expansus, hoc non nisi quam ab aëre elastico per putrefac-
tionem nato fieri videtur : exempla & apud auctores pro-
stant plurima E. C. apud *Schenkium* (109), ubi narrat de co-
lo intestino denigrato & putrefacto, alia passim ubique ha-
bentur.

3. *Paracenthesis in ascite male instituta*, tunc enim aër at-
mospæricus intrat, & hinc tympanitidem generari posse fa-
cile concipitur, imprimis si, aqua educta, cannula non ex-
acte claudatur, & non satis fortiter constringatur abdomen,
& sic videtur facile ascitem cum tympanitide conjungi.

X V.

Ex hisce satis liquet dari & dari posse speciem illam tym-
panitidis, cujus causa continetur in cavo abdominis: multa
quidem alia dantur argumenta hoc probantia, sed quæ brevi-
tatis ergo, ne nimis longi evadamus, præterimus, quare
L. B. auctores, qui de hisce fusius egerunt, commenda-
mus.

Lubenter tamen confiteri volumus, plerumque & fere
semper occurrere tympanitidem intestinale, & perraro ab-
dominale: verum hæc mihi ratio sufficiens non videtur,
quare totam hanc postremam speciem negarem, attuli enim
testimonia virorum, uti puto, fide dignorum, & rationes theo-
ricas, ex quibus oriri posse quisque præstantissimæ medicinæ
artis peritus facile mihi adsentietur, & si modo unum daretur
exemplum fide absque dubio dignum, possibilitatem nega-
re erubescerem.

XVI.

(109) Obs. med. lib. 3. obs. 2 & 3. pag. 359.

X V I.

Sydenham (110) dicit aliam esse hydropis speciem, quæ oritur æ flatibus, præsertim locum habens in feminis, quæ jam provecta ætate nupserant, in quibus abdomen increscit, & perfecte graviditatem mentitur: persentiscuntur enim motus embryonis scilicet flatus, & eodem modo ac si gravidæ fuissent, interdum ægrotant, sororiantibus insuper mammillis & lacte exstillante, & feminæ de fasciis non raro sibi prospexerunt, sed tandem vana spe elusæ venter pari, quo increverat, gradu detumescit: hoc & confirmat Roederer (111) dicens flatus in utero contenti, antequam excernuntur, eadem fere symptomata ac mola producant, quare vix possunt cognosci: & mihi hæcce scribenti ultrajecti ostensa fuit mulier, quæ omnia symptomata instantis parturitionis passa fuit, imo interdum motum embryonis experta, attamen tempore constituto, ubi obstetrix jam adfuerat, nil edidit, sed venter æque ac increverat, detumuit sine ulla manifesta evacuatione; forte etiam nil aliud quam flatus in utero contentus fuit: hoc idem & nobili matronæ eadem urbe contigisse compertum habeo.

Hæc nunc species merito mihi dici posse videtur tympanites spurius, nam abdomen increscit æque ac in tympanitide, verum tantam non in molem, & inferiorem magis partem continet, tamen tympanitidem perfecte posse mentiri satis clarum est.

X V I I.

Ad prognosin quod attinet, dici debet, quod morbus hicc merito inter curatu difficillimos, a Baglivio vero inter acu-

(110) Tract. de hydrope pag. 139.

(111) Art. obstetricandi sect. 2. cap. 24. §. 747.

acutissimos (112) & cito interimentes refertur: jam dudum disputatum fuit, an tympanites an ascites periculosior foret: *Aëtius* (113) tympanitidem periculosiorem quam ascite pronunciat, cui adfentiunt *Aretæus* (114), *Fiënus* (115), *Senner-tus* (116), *Willisus* (117) aliique: *Duretus* (118) vero ascitem periculo tympanitidem superare contendit tum ratione causæ efficientis tum ratione partis adfectæ: verum hic iliacos intra muros peccari & extra certe censeo, quare potius cum *Combalusier* (119) & *de la Font* (120) statuere volo, maximam esse differentiam inter causas, ex quibus oriuntur tympanites & ascites, & hinc etiam maxime discrepare prognosin: si enim a scirrho vel ulcere viscerum ortus ascites, multo sane eo mitior erit tympanites: si vero a levi causa originem traxerit ascites, jure acerbior tympanites est existimandus; speciatim tamen statui potest abdominalem tympanitidis speciem plerumque esse curatu difficiliorem, quam ea, quæ in intestinis locum suum habet, quippe quæ a multis levioribus plerumque causis originem ducit, & in qua viscera ut plurimum sunt illæsa: prognosis etiam maxime differt, an tympanites sit solus, an vero morbo aliquo complicatus, primus enim curari potest, in altero vero ægri morbis antecedentibus & tempore debilitati mederi omnino nequeunt, quia tonum viscerum restituere jure impossibile pronunciari debet: idem obtinet si tympanites jam fuit confirmatus & diu pro-

E

vectus,

(112) *Prax. med. lib. 1. pag. 82.*

(113) *Tetr. 3. serm. 2. princip. med. pag. 535. tom. 2.*

(114) *De sign. & caus. diut. morb. vol. 1. lib. 2. pag. 36.*

(115) *De flatibus comment. nov. cap. 11. pag. 85.*

(116) *Prax. med. lib. 3. part. 6. sect. 2. cap. 4.*

(117) *Tom. 2. sect. 2. cap. 4. pag. 148.*

(118) *Adnot. in suam enarrat. in cap. 39. Hollerii pag. 282.*

(119) *l. c. cap. 5. §. 178.*

(120) *l. c. cap. de sign. prognost.*

vectus, hinc dicit *Hippocrates* (121) *denuntiato hydrope sicco*, *si tormina fiant circa tenue intestinum ingens malum*: hoc enim signum initium tympanitidis esse patet ex eodem (122), & quid aliud hoc tum indicat, quam pertinacissimam stricturam in tenuibus intestinis, & quod coercito aëri maximum elasticitatis augmentum accesserit: plura & prognostica signa & dogmata *Hippocratica* huc pertinentia explicata videri possunt apud *Combalusier* (123) *Fienum* (124) & *de la Font* (125): nos vero ultimam tractationis partem adgrediemur scilicet hujus morbi curationem.

X V I I I.

In cura tympanitidis recte instituenda plurimi auctores maxime discrepant, quia variatio maxima obtinet inter illos in determinandis ejus causis: quisque enim remedia commendat, quæ positæ suæ causæ contraria ei videntur: ita nempe, qui spasmus causam esse statuunt, antispasmodica & antihysterica; alii qui flatus causam ponunt flatulentiae opposita medicamenta: alii, qui materiem putridam producere tympanitidem censebant, medicamenta antiseptica commendant: Verum hoc apud plurimos inveni, quod sicco pede curationem transierunt, & plerumque hunc morbum incurabilem pronuntiaverunt, sed hac in re determinationes fieri posse & debere omnino videtur: ut itaque in cura pertractanda ordine procedam primo proponam curationem tympanitidis solius seu idiopatici, dein tympanitidis sympatici, seu cui alius junctus est morbus, itaque primo generalia dein specialia ad curam pertinentia producere conabor.

XIX.

(101) Coac. prænot. num. 458.

(122) Sect. 4. aphor. 11.

(123) l. c. cap. 5.

(124) Comment. nov. de flatibus.

(125) l. c.

XIX.

In genere ex hujus morbi causa proxima a me §. 5. proposita sequi patet me in intestinali, (de quo primo agam) commendare remedia flatibus contraria, quæ vocantur carminantia, sed antequam hæcce propinari possunt, & etiam agere queant, primæ viæ a causis eos producentibus liberari debent, quæ dein ab iisdem liberatæ ad actionem suam pristinam redigi debent: itaque hic triplex nascitur indicatio 1. ut obstacula flatum producentia tollantur 2. ut flatus seu aër elasticus educatur 3. ut ventriculo & intestinis tonus suus restituatur, qui per expansionem aëris periit, vel saltem maxime imminutus est.

XX.

Primam indicationem quod attinet, de ea tenendum, quod illa obstacula multiplicia esse possint, & variæ naturæ & itaque etiam variam requiri medelam, de eis egi §. 12. num. 4., ubi inter ea retulimus anum impervium & introsusceptionem intestinorum, de quarum curatione Chirurgi sunt consulendi, imprimis *Heisterus* (126), *Platner*, (127) & *le Dran* (128): maxime autem obturati tubi alimentarii causa est copia materiæ aut cibi aut fæcum, cujus expulsio optima perficitur per cathartica non nimis irritantia, uti habet *Meadius* (129), quia facile aliter intestinis spasmi conciliantur, unde

E 2

con-

(126) *Inst. Chirurg.* tom. 2. cap. 163. pag. 1040. Edit. ann. 1750.

(127) *Chirurg. ration.* §. 1026 & 1027. ut & §. 814. & seq.

(128) *Tom. 2. Obs.* 58. pag. 18.

(129) *Mon. & præcept. med.* cap. 8. pag. 82.

constrictio lethalis oriri posset, accedit, quod irritantibus tonus intestinorum fere amissus plane perit, & nullo modo restitui potest: per resolventia carminativa per duas aut tres septimanas præscripta, quibus singulis ternis diebus interponantur lenia laxantia uti dicit *Funcker* (130): hoc in casu commendat *Hoffmannus* (131) sal ebsonense cum oleo Amygd. dulc. & nitro, vel infusum mannæ cum cremore tartari: Vomitoria interdum etiam commendantur, imprimis, si indicia adsunt, ventriculorum & intestina tenuia præ aliis obseffa esse; præstat tamen ea non dare, quia concussu facile irritantur intestina, unde fibræ eorum rediguntur vel ad nimiam constrictionem, vel ad nimiam relaxationem, & *Monrous* (132) testatur se per vomitoria nullam sensibilem mutationem expertum fuisse, accedit, quod, meo saltem iudicio, hac irritatione sic dictus volvulus oriri posset: statuimus enim (§. 12. num. 4.) hunc oriri, si pars intestini contracti superius intestinum flatibus distentum ingreditur: hac nunc irritatione si unum intestinum magis altero inficiatur, & proxime antecedens flatu turgidum maneat, facile ingredi posse subsequens in antecedens intestinum mihi videtur: ad expulsionem quam maxime etiam faciunt clysmata, imprimis si materia obstruens intestinis crassius continetur, quæ tamen eadem ratione ac vomitoria non nimis debent esse irritantia, quare *Meadius* (133) commendat copiosam aquam calidam per alvum infundere, atque illam recipere, ut sine dubio materia obstruens dilueretur & ita facilius exeat: acriter autem disputatur, an quidem clysmata valvulas *Bauhineanas* seu *Tulpianas* superare queant, & ita in intestinis tenuibus agere possint, sed hæc, quia nostri

(130) Med. Theor. pract. tab. 65. pag. 431.

(131) Med. ration. system. tom. 4. part. 2. sect. 2. cap. 5. obs. 7.

(132) Act. Edimb. tom. 1. art. 31.

(133) l. c.

stri operis non sunt, fusius demonstrata videri possunt apud hac de re maxime litigantem *de Haan* (134).

X X I.

Secunda indicatio exigit, ut aëri vel flatibus exitus detur, ad quem plerumque commendantur remedia antifatulenta, seu carminativa vel carminantia dicta, quorum pleraque ex aromaticis & calefacientibus constant; inter ea numerantur radices carlinæ, acori, angelicæ, helenii, imperatoriæ, sedoariæ, galangæ; folia ruthæ, majoranæ, origani; flores & summitates roris marini, anethi, chamomæli: semina quatuor calida majora, minora &c., ex quibus variæ præparari possunt formulæ, de quibus auctores practici sunt consulendi: Varia porro in pharmacopæis prostant præparata & composita, uti sunt olea stillatitia anethi, anisi, carui, spiritus nitri dulcis, anisi & multa alia, quæ omnia in pharmacopæis descripta imprimis Germanicis videri possunt.

Aliquot prostant exempla tympaniticorum, qui curati sunt aqua nivea seu gelida; ita legimus in *Act. Erud. Lips.* (135) de juvencula decennali tympanitica per submersionem in aquam frigidam maris curata: paucis adhuc annis duo tympanitici curati sunt a medicis lugduno-Batavis *Rast* & *Rame* per potum aquæ gelidæ, quia cogitabant nimium calorem causam hujus morbi esse, qui facillime per oppositum frigus debellari potest, secutis sententiam *Zacuti Lusitani in praxi sua*, ubi statuit tympanitidem interdum a nimio calore oriri, eumque gelidissimis intus & extus adhibitis, tanquam opposito remedio debellandum esse (136); causa hujus remedii forte etiam latet in violenta constrictione intestinorum, qua

E 3

status

(134) l. c. part. 2. cap. 5. a pag. 82 ad 98.

(135) Anno 1697. pag. 356.

(136) Videri hæcce possunt apud *Cambalusier* l. c. §. 398.

flatus expelluntur, quod facilius fit, quia aër frigore condensatur, & quasi ejus elasticitas destruitur.

Plura curati tympanitidis exempla apud auctores inveniuntur: ita per antihysterica & antiscorbutica calida narrat *Monrous* (137): per V. S. apud *Combalusier* (138) per abdominis inunctionem cum oleo philosophorum apud *Mangetum* (139), (qui & multa alia tympaniticorum & mortuorum & curatorum adfert exempla (140): ita per spiritum sulphuris apud *Oswald. Grembsium* (141) & plura talia passim ubique inveniri possunt: verum hanc flatuum educationem variare manifestum est pro vario morbo eis conjuncto, (de quo postea), & vario subjecto, in quo morbus hæret, si enim plethorici sunt, certe V. S. omnibus remediis antecedere debet, observamus quotidie, homines plethoricos laxa habere intestina hoc & interdum a nulla alia causa provenit, quam a nimia sanguinis copia actionem ventriculi & intestinorum impediende, qui curari possunt, copia ea sublata, scilicet per V. S.; si vero ægri sunt laxi temperamenti, certe roborantia præ aliis adhibenda sunt, inter quæ excellit cortex peruvianus, hoc enim in casu V. S. nullius fuisse effectus testatur *Monrous* (142).

Sæpissime tamen fit, ut omnibus remediis adhibitis venter æque extensus sit, & omnia symptomata pertinaciter permaneant, & flatus seu aër elasticus educi nequeat, tunc medicamentum adhuc superest scilicet ventris perforatio dicta *paracenthesis*.

X X I I

(137) Act. Edimb. tom. 1. art. 31.

(138) l. c. §. 231.

(139) Bibliothec. med. tom. 3. lib. 8. pag. 280.

(140) Ibidem a pag. 268 ad pag. 283.

(141) De orb. int. & ruin. hom. lib. 2. cap. 1. art. 6.

(142) l. c.

X X I I.

Scimus, quod in hydrope ascite, si aqua nullis remediis educi potest, instituatur operatio quædam, quæ *paracenthesis* dicitur: Chirurgus enim instrumentum Gallis *Troicar* dictum & descriptum apud *Heisterum* (143) media parte inter angulum ossis ilei & umbilicum abdomini intrudit, sicque aquam educit: Merito nunc rogari licet, quare etiam non æque tuto in tympanitide, quam quidem in ascite institui posset, quamvis præceptor meus venerandus (144) dicat, quod *vix multum solatii ab instituta paracenthesi capi posse videatur*, & *Boerhave* habeat *puncturam raro sanationi suffecisse* (145). Certe mihi aliquis objiciet, quod nullum hucusque exemplum sit curati per paracenthesin tympanitidis: hoc & lubenter fateri volumus, nobis huc usque etiam nullus talis casus occurrit, quamvis multos eosque præclaros scriptores, qui de eo egere, pervolverimus: idem testatur *Heisterus* (146) dicens: *quo minus etenim ad tympanitem quoque curandam paracenthesis a nobis commendetur, observationum atque experimentorum defectus prohibet*. Sed hoc demonstrare tamen non videtur, quod paracenthesis omnino noxia, & interdum non proficua foret.

Duretus eam omnino instituendam esse statuere videtur, dicit enim (147): *Medicandi ratio suscipitur ac perficitur, idque circa initia cujusque hydropis, in leucophlegmatia quidem primum sanguinis detractione: in cæteris vero cathartici, diureticis compunctione &c. impellere ad hanc operationem etiam videtur ea operatio, quæ instituitur in hernia incarcerata, si nem-*
pe

(143) Inst. Chirurg. tab. 24. fig. 1.

(144) Cl. *Oosterdyk* inst. pract. cap. de hydrope pag. 14.

(145) Aphorism. 1251.

(146) Inst. Chirurg. tom. 2. cap. 112. §. 1.

(147) Comment. in coac. *Hippocr.* lib. 2. cap. 19. text. 11.

pe elabens intestinum flatibus distentum est, & per calida fomenta reduci nequit, tunc acu hinc & inde pertundendum esse illud intestinum commendat *Van Swieten* (148), quas puncturas se felici cum successu instituisse testatur *Paræus* (149): ad hanc etiam facit illud, quod refert *Sennertus* (150), rusticas nempe mulieres jumentorum ventrem arctis fasciis constringere, & subulis perforare consuevisse, ut inflationem tollerent ab esu graminis cujusdam arundinacei oriundam, & ita mortem averterent, hoc & comperit habeo a viro fide digno, rusticos in Frisia & Anglia idem remedium instituere in ovibus, fuisse nimium ingurgitaverunt specie quadam trifolii, & ni fallor, idem in *Transact. Anglic.* refertur; merito ergo hic rogari licet, quare non eadem ratione id obtineri posset in hominibus: *Kæmpferus* enim (151) narrat, Japones colicam iis *Senki* dictam, & maxime endemiam profligare inustione moxæ vel herbæ artemisiæ, vel si hac non cedit, punctione ope acum aurearum vel argentearum: scilicet acum magistri illis *Tensasi* dicti locum explorant & demonstrant, in quem tunc operatores nominati *Faritatte* acum intrudunt, cuspidem enim sinistra recipientes inter digiti medii apicem & indicis pollice suffulti admovent acum loco pungendo, tum malleo dextra recepto acum uno aut gemino pulsu per externam cutem intrudunt ad profunditatem unius pollicis, tum acum volvunt, ad respirationem unam & alteram in loco tenent, mox acu extracta, locum digito premunt quasi spiritum hac via expressuri: idem refert *ten Rhyne* (152) de Chinensibus; narrat

(148) Comment. ad aphor. *Boerh.* tom. 1. ad §. 316. pag. 529.

(149) Chirurg. lib. x. cap. 36. pag. 256.

(150) Instit. lib. 2. part. 2. cap. 7.

(151) Amœnit. exotic. fasc. 3. obs. 11. pag. 582.

(152) Over het steeken met de naald der Chineesen, p. 180, exstat post tract. belg. *Blancardi* de Podagra.

rat & , quod Bengales si flatibus laborant ventrem ita fricant & cogunt, ut aër cum sibilo umbilico exeat, forte ita διαπνέουσιν fibrarum efficientes, vel poros dilatantes, per quos aër exire potest: accedit ad hæc omnia testimonium magni Boerhavii (153) dicentis *puncturam sæpe solatio suffecisse*, si enim solatium adfert, quare non instituenda operatio, medici quidem officium est curare, sed etiam, si hoc non efficit, ægris solamen adferre: & *Combalusier* (154) narrat casum maxime memorabilem, scilicet quod Dominus *Barbeyrac* Parisiis ægrum, qui censebatur empyemate purulento adfectus, curaverit paracenthesi in thorace instituta, & quod erumpebat non erat pus, sed solummodo aër cum sibilo exiens non sine restitutione ægri in sanitatem.

Ex hac nunc historia concludi meretur, quod, si hoc procedit in pectore, idem eadem ratione etiam procedere posset in abdomine, nihil enim est, quod obstat.

Objici vero potest, quod hoc in morbo citius syncope oriri posset, quam in ascite, quia aër tanto velocius, quam aqua exit: Sed ut huic symptomati obviam eatur 1. æger horizontaliter in lecto ponatur, paululum reclinatus ad id latus, in quo punctio instituenda 2. fasciis tam supra quam infra locum perforandum satis arcte abdomen constringatur, hinc *Pringlius* (155) probat necessitatem cinguli ventris, ut æger ipse ventris facere possit compressionem proportionatam diminutioni aëris intestinis inclusi. 3. Si acus cum cannula intrusa est, eaque retracta, modicum modo aëris exilire sinat Chirurgus, dein digito occludat cannulam, & quo magis erumpit aër, eo arctius abdomen constringi debet, hoc enim tamdiu facere pergat, donec omnis aër exierit, verum quia digito satis accurate cannula occludi nequit, in usum vocari
F
posset

(153) Aphor. 1251.

(154) l. c. §. 456.

(155) Observ. sur les maladies des armées tom. 1. pag. 330.

posset instrumentum illud descriptum apud *Barbette* (156), & inventum a Dom. *Thouvenot*, cujus præcipuum artificium in ejus capite constituitur, quod occluditur clave, cochlidio, & organo elastico imperceptibili ita dispositis & aptatis, ut ne minimum quidem aëris per cannulam egredi aut ingredi valeat: hocque rursus notatu dignum, quod possit magis aut minus recludi seu aperiri, ita ut aër vel aqua pro lubitu Chirurgi exire possit: dein 4. æger prono situ tenendus, ut reliquum aëris, & id aquæ, quod inest, simul exeat, hac enim cautela syncopen quam optime præcaveri posse cum *Combalusier* (157) tuto statuo.

Objici & porro potest, quod contenta ex intestinis per vulnus exire, & in cavum abdominis delabi possent, sed hoc evincit *van Swieten* (158) postquam enim acupuncturam in hernia incarcerata commendaverat, (uti initio hujus §. diximus) dicit, neque aliquid metuendum videtur ab his vulnusculis, nam, flatu expulso, contrahetur intestinum, & disparebunt parvulæ tales aperturæ, nihilque contentorum per illas poterit egredi. Cæterum eadem sunt observanda ac in paracenthesi, quæ in ascite instituitur: operatione facta remedia propinentur, quæ morbum hunc recidivare posse impediunt.

X X I I I.

Educto nunc aëre sequitur tertia indicatio nempe tonum amissum intestinorum restituere, sed hoc opus hic labor est, nam intestina interdum tam mirum in modum extenduntur, ut credere vix quisquam posset, qui non viderit: mihi anno 1759. videre contigit in cadavere, quod ultrajecti privatim a Cl. *Woertman* præceptore meo colendo, venerando, fuit dissectum, ventriculum adeo expansum, ut distantia inter pylorum

(156) Oper. Chirurg. cap. 24. pag. 100. in notis.

(157) l. c. §. 455.

(158) Comment. ad Aphor. *Boerh.* tom. I. ad §. 316. pag. 529.

lorum & cardiam quidem sesquipedem æquaret, totus ventriculus quidem duos pedes longus erat: observarunt etiam de *Haan* (159) & *Littrius* (160) intestina ita expansa, ut femur hominis adulti adæquarent: hoc nunc in casu fere impossibile est fibras eorundem ad solitum motum peristalticum redigere, verum si corpus satis est vegetum, morbus diu non duravit, & nullus alius ei accesserit, spes erit tonum recuperandi: hunc autem in finem commendantur omnia adstringentia & roborantia, ut sunt limatura Martis, Tinct. Vitriol. Mart., Cortex peruvianus, & omnes radices stomachicæ, composita etiam omnia stomachum roborantia, ut Elixir stom. Mich., Essent. Stomach., Essent. gentian., cascarill., Tinct. terr. catechu, & multa alia, quæ ubique in pharmacopæis prostant: maxima hoc in morbo valent exercitatio corporis, frictiones tam humidæ quam siccæ, quæ eo fortiores esse debent, quo corpus robustius.

XXIV.

Hucusque commendavimus remedia tympanitidi contraria, verum quisque facile concipiet medelam omni in specie huius morbi non convenire, tympanites enim qui oritur ab intestinis corruptis, diaresi ruptis, vel vermibus dilaceratis, verbo tota abdominalis species fere incurabilis est; quia plerumque putredo in ea tanta est, & causæ efficientes tam pertinaces sunt, ut corrigi nequeant, qui vero a rore non absorbito & putrefacto originem duxerit, eodem correcto, mederi posset, qui a paracenthesi male instituta ortus fuerit, aëre exitu dato, aliquid solamen acquireret, verum quia hiæce plerumque ascites jungitur pro insanabilibus conclamari possunt.

F 2

XXV.

 (159) l. c. part. 2. cap. 5.

(160) Memoires de l'Academie Royale de sciences ann. 1713.

X X V.

Pervenimus tandem ad eam tympanitidis speciem, cui morbus aliquis junctus est, vel qui a morbo quodam originem traxerit: ita patet ex prioribus, ei asciten adjungi, interdum Vermes, interdum passionem hysterica &c. ita febrem intermittentem suppressam, menses & hæmorrhoides suppressos, eum produxisse observavimus, sed quia hæc curantur species, si morbi eis conjuncti curantur, patet earum medela ex curatione horum morborum, quæ ex practicis peti potest: quæ autem a febre suppressa, hæmorrhoidibus suppressis ortæ fuerint, curati possunt, eisdem revocatis, & sic de cæteris.

Longus enim forem, si horum morborum curationem sigillatim exsequi vellem, quippe quæ descripta satis inveniri potest; in hoc qualicumque specimine meos in arte salutari conatus me pro virili testatum esse suffecerit, qui, si lectori quoque probentur, erit, quod meum erga præstantissimam artem Studium & amorem ad ultiores in ea progressus faciendos instimulabit.

F I N I S;

C O R O L L A R I A.

I.

Tympanitis idem cum Hippocratis hydrope sicco.

II.

Immerito refertur inter hydropis species.

III.

Causa proxima ejus est aër elasticus.

IV.

Æque sedem habere potest in cavo abdominis quam intestinorum.

V.

Rarior ejus species abdominalis quam intestinalis.

VI.

Minus periculosam quam ascites intestinale ejus speciem statuo.

VII.

Paracenthesis in eo merito institui potest.

F 3

VIII

V I I I.

*Morbus sic dictus miserere mei non est convolutio
intestinorum, sed verus unius in alterum in-
gressus.*

I X.

Omnibus C. H. humoribus inest aër.

X.

Isque in humoribus non exercet elasticitatem.

X I.

Non datur duplicatura peritonæi.

X I I.

*Icteri periodici frequentissima causa sunt Calculi bi-
liarii.*

Aan den Wel Edelen HEERE

A. W A L R A V E N,

Na gehouden Vertoog over de

TROMMELZUGT,

Ter Rolle der Geneesheeren ingeschreven.

K L I N K D I G T.

Die Armen bystand bied, die Wezen hulp betoont,
Die Weduwen ten steun verstrekt en troost in 't klagen,
Die voor 't verkrachte regt der onschuld zich durft wagen,
Die nooit door goud verblind een ryken schelm verschoont,

Die 't goed van 't kwade schift, die deugd naar waarde loont
En Themis niet vergeefs het blinkend staal doet dragen,
Wat loon verdient zulk een? wel hoe...? wat mag ik vragen?
Daar hy in 't dankbaar hart der braven eeuwig woont.

Doch wint hy groter roem, die 's menschdoms Aartstytan
Met ziekten, koorts en pyn, het schriklykste eedgespan,
Daar 't lyf en leven geld, manmoedig durft verjagen.

Dit weet myn vriend, hy gaat om 't monster 't hoofd te biens
Geluk dan met die keus; En mag myn wensch geschien,
Eer, voorspoed, rust en heil. verzelt zyn levensdagen.

A. C. S C H O N K E

Gymn. Ysselst. Rector.

TERINHULDIGINGE

van

Den Wel-Edelen HEERE

A. WALRAVEN,

Tot Leeraar in de Geneeskunde,

Na eene gehoudene Redentwift over de

TROMMELZUCHT.

Si bene floruerint segetes, erit arëa dives.

Zal ik in 't midden van myn drukke bezigheeden,
Wel-Edle Boezemvriend! voor U de Cyter slaan?
En dient myn doffe toon wel by uw feest geleden,
Daar beeter Dichterdom U fiert met lauwerblaân?
Neen laat ik liever met stilzwygende gebaaren
U toonen, hoe myn geest in uwe vreugde deelt,
En zeggen by 't gejuich der blyde vriendenschaaren:
Deeze is de dag en 't uur, dat onzen boezem streelt,
'k Zal dan ten minsten by ervaren Kunst-Meceeën
Dien roem erlangen, dat ik, vry van eigenmin

En

En opgezwollen waan, my zelf' niet durf vereenen
Met Dicht'ren, welker kunst hen voert ten hemel in.
'k Zal dan... Maar zagt: heeft niet de Vriendschap my
geboden

Altoos te toonen, dat myn hart de trouw bemint?
Wat is 'er keur van styl in myn gedicht van noden,
Daar 't enkelvoudig hart 't gebrek des styls verwint?

Al blyft de Dichtkunst dan dit pas my ongenegen,
De Liefde voor myn Vriend zal hier myn Klio zyn;
'k Ben om geen valsche Goôn noch hengstenbron verle-
gen,

De Vriendschap drenkt myn Ziel met meer dan Eng'len-
wyn;

Dit doet het Dichtvuur in myn blyden boezem branden,
Nu Gy, myn waarde Vriend! ten tempel ingeleid,
By 't geurig reukwerk der geheiligde offerhanden,
Den eerenprys ontfangt, voor Uwe vlyt bereid:
Die vlyt, waar door Gy by de deftigste Galeenen
Den lof van waare Deugd en vluggen Geest verkreegt,
En eind'lyk, door een reeks van letterzorgen heenen,
In hun geheiligd koor ten top van glorie steegt.

Hoe zagde *Ontleedkunde* U in haar geheimen flaaven,
Daar Gy het proefftuk van des Scheppers Oppermacht,

Zoo wonderzaam gevoegd met spieren, peezcn, naaven,
Kunstketens der natuur, dooroogde dag en nacht?
Geneeskunde, afgeregt op heilzaame artzenyen,
En al, wat tot behoud van 't brooze leven strekt,
Zag U den ed'len tyd aan haaren koordienst wyen,
Zo dra het pluimgediert in 't woud was opgewekt.
Hoe weet Gy in den aart der ziekten in te dringen.
Haar eersten oorsprong klaar te ontdekken voor het oog?
Dat tuig' de *Trommelzucht*, wier vormverwisselingen
Vaak oorzaak waaren, dat zich meenig Arts bedroog:
Daar Gy in tegen deel, in keur van gladde reden,
By Uw verheffing tot het loflyk Leeraarschap,
Haar innigste geheim zoo klaar ons weet te ontleden,
Dat elk U zegeviert met juichend handgeklap.

Maar zacht: laat ons niet meer in Uwe glorie weïën:
De Braaven zyn toch meest aan Nedrigheid gewend:
En 'k scheen misschien gezet op dubbelhartig vleiën,
Een ondeugd, in het hart der Ed'len onbekend.
Dit eene zy genoeg: Uw Deugd en Naarstigheeden
Verdienden de eerekroon, die thans Uw kruin versiert,
En zullen U gestaag met eergewaân bekleeden,
Zoo lang de blanke Deugd Uw edel hart bestiert.

Laat ik alleen myn wensch by myne vreugde paaren :

Strek voor het ziekbed steeds een hulp en toeverlaat!

Beperk door Uwe Kunst de woënde doodsgewaaren,

Eer noch de dolle drift van 't ingekankerd kwaad,

De heilzaamste Artzeny verachtende, al zyn plaagen

En rampen zaamenroepe, en dus den wreeden dood

Een lachchenden Triumf en glorie weg doe draagen!

Zoo blyft Gy nimmer van Geleerden gunste ontbloot,

Maar ziet Uw' eernaam by 't getal der dagen groeien,

En een gewenschten oogst na zulk een welig bloeien!

JAN ROSIER, P. Zoon,

S. S. Min. Candidatus.

Aen mijn' ge-ëerden vriend

A. W A L R A V E N,

Tot Leeraar in de Geneeskunde

bevorderd.

Vriendschap tracht, schoon met veel beeven,
U te vlegten ene kroon;
D'eerzugt had den snak gegeven,
Wen zy dacht, met welk een' hoon,
Hoe eenvoudig in haar kleuren
Z' af zou steeken by den zwier
Van twee Vlegtsels, die wy keuren
Vol van vinding, smaak en fier.
Kan mijn koornbloem U behagen,
'K zag mijn pogen dan voldaan,
'K zal dan hoon en spot verdragen
Van die wraken mijn bestaan.

Wild'

Wild' ik naar verdienst afmalen
Uwen lof, mijn waarde Vriend,
Naau zou GALENUS by U halen
Zoo veel roem hebt gy verdiend.
Was niet in Uw jonge dagen
Wis-Natuur-kunde Uw vermaak?
Steunfels, die 't Al onderschragen
Wat vernuft en kunsten raak?
Heb ik U niet vaak zien wroeten
In 't *Ontleeden* met veel smaak?
'K mogt U met ALBIJN ontmoeten,
Die U leerde zonder spraak;
Dan weer beezig in 't naspooren
Wat natuur al wond'ren baart.
Doch meest kon U SCHAGT bekooren,
Die de ziektes in hun' aart
U deed kennen en genezen;
Kundigheid blijkt uit deez' blaên,
Dubbel waardig om te lezen,
Des was *Hippocraat* voldaan.

Wees voorspoedig in 't *Cureeren*,
Doodflag wordt toch haast verrigt;
Men kan d' Artzen wel ontbeeren,
Als men 't sterven stelt wat ligt.
Wees voorspoedig in Uw' zaken,
Tot behulp van 't zwak geslacht,
Die steeds met verlangen haken
Naar een Artz dien men veel acht
Doet *Cupied*' U ook eens kwynen,
Zoek dan iemand met die kwaal;
D'eene doet de aâr verdwynen
Zonder dat g' een duit betaal.

*Om Vriendschap, niet
om kunst.*

